



## Rannsóknarverkefni í Kröflu 1986. Greinargerð með fylgiskjali 2

---

**Ásgrímur Guðmundsson**

---

**Greinargerð ÁsG-86/02**

ORKUSTOFNUN  
Jarðhitadeild  
1986.01.16

Rannsóknarverkefni í Kröflu 1986  
Greinargerð með fylgiskjali 2  
ÁS-G-86/2

## INNGANGUR

Á undanförnum árum hefur Jarðhitadeild Orkustofnunar unnnið all umfangsmiklar rannsóknir á Kröflu-Námafjallssvæðinu eins og greint var frá í brefi til Landsvirkjunar dagsettu 29. okt. 1985. Þar voru rannsóknirnar flokkaðar niður í þrjá megin flokka:

1. Rekstareftirlit með vinnslu úr jarðhitasvæðunum í Kröflu.
2. Gufuöflunarrannsóknir, sem eru stundaðar fyrir virkjunina í tengslum við endurvinnslu núverandi borhola eða borun nýrra.
3. Svæðiseftirlit með jarðhitasvæðunum við Kröflu og Námafjall og mat á hugsanlegum breytingum vegna eldgosa og umbrota.

Um árlegt rekstrareftirlit hefur verið fjallað í greinargerð með fylgiskjali 1 með samningnum milli Orkustofnunar og Landsvirkjunar fyrir Kröfluvirkjun. Síðari tveir flokkarnir verða hér til umfjöllunar, en óhjákvæmilega skarast allir þrír flokkarnir að einhverju leyti.

### 1. Sýnataka úr gufuægum

Mikil áhersla hefur verið lögð á að fylgjast með breytingum á efnainnihaldi jarðhitavökvans og gasstyrk í gufu á Kröflusvæðinu. Aðdragandi þess er, að í kjölfar umbrotana við Kröflu spýttust kvíkugös inn í jarðhitasvæðið í Leirbotnum og urðu þess valdandi, að jarðhitavökvinn varð vart vinnsluhæfur. Frá 1980 hefur orðið vart við marktæka minnkun á gasstyrk í gufu á svæðinu og því eru bundnar góðar vonir við, að Leirbotnasvæðið sé orðið vinnsluhæft á ný. Til þess að fá sem besta vitnesku þar um var ákveðið að safna sýnum úr gufuægum á sömu stöðum og áður hefur verið gert og kortleggja þær breytingar sem orðið hafa á undanförnum árum. Niðurstöður þær að lútandi voru birtar í skýrslunni: KRAFLA- Samanburður á gasi gufuægna milli áranna 1979 og 1984/1985 eftir Jón Benjamínsson. Helstu niðurstöður voru þær, að gasstyrkur í gufu hafði minnkað verulega og kvíkugös væru að fjarri út á Leirhnjúks- og Hveragilssvæðinu, einnig gætir þeirra minna á Vítissvæðinu en áður. Ástæða er til leggja mikla áherslu að halda áfram þessum rannsóknarþætti og er lagt til í ár að safna sýnum úr sömu gufu-

augum og í fyrra.

Bessi verkþáttur skarar alla flokka, sem nefndir eru í inngangi, vegna þeirra sérstöku aðstæðna sem ríkja á jarðhitasvæðunum við Kröfluvirkjun. Mæling á gasstyrksbreytingum á vinnslusvæðunum má flokka að ákveðnu marki undir rekstrareftirlit meðan áhrif frá Kröflueldum eru enn meðkjanleg. Varðandi gufuöflunarrannsóknir þá er mjög mikilvægt að gera sér grein fyrir breytingum gastyrks á vinnslusvæðunum hvað varðar endurvinnslu núverandi borhola, viðhaldsboranir eða borun fyrir vél 2. Svæðisbundið eftirlit er í því fólgjóð að fygjast með breytingum jafnt innan sem utan vinnslusvæða Kröfluvirkjunar og sjá þau þannig í víðara samhengi.

## 2. Fallmæling Ath

Hér er um að ræða mælingu á hæðarbreytingum á Kröflusvæðinu. Viðmiðunarmerk (fastamerki) er við suðurenda Mývatns. Mælt er eftir þjóðveginum og afleggjaranum að Kröfluvirkjun og síðan net er nær umhverfis Leirhnjúk, Kröflufjall og vinnslusvæði virkjunarinnar. Megintilgangur mælinganna er að fylgjast sem best með framvindu umbrotanna svo unnt verði að gera viðeigandi varúðarraðstafanir og meta stöðu mála á hverjum tíma.

Fram til þessa hefur Orkustofnun kostað þessar mælingar og hafa þær verið einn þáttur í umfangsmiklum rannsóknum í tengslum við eldgosin og umbrotin á Kröflusvæðinu. Sama er að segja um lengdar- og þyngdar-mælingar, sem getið er um hér á eftir. Þar sem verulega hefur hægt á umbrotum á svæðinu og vegna mikilvægis þessara athuguna fyrir virkjuna-tina telur Orkustofnun eðlilegt að Kröfluvirkjun kosti eina mæliferð á ári. Þessar mælingar nýtast virkjuninni einnig við mat á massabreytingum í tengslum við orkuvinnslu úr jarðhitasvæðunum.

## 3. Lengdarmæling Ath

Mæld verður ein lína frá einu fastamerki í annað yfir Kröfluöskjuna þvert á sprungusveiminn. Að þann hátt eru mældar láréttar breytingar þ.e. gliðnun lands og þá um leið sprunguhreifingar, sem geta teigst inn á vinnslusvæði Kröfluvirkjunar. Tilgangur er sá sami og með fallmælingum.

## 4. Þyngdarmæling Ath

Samfara vinnslu úr jarðhitakerfunum má búast við þyngdarbreytingum á

svæðinu. Fram til þessa hafa þessar mælingar ekki þjónað virkjuninni beint varðandi massabreytingar í jarðhitakerfunum vegna mikilla efnisflutninga í jarðskorpunni í tengslum við eldsumbrotin. Þar af leiðandi hefur þessi þáttur verið kostaður af Orkustofnun að mestu leyti. Síðari ár hefur hægt verulega á umbrotum og því líklegt að þyngdarmælingar fari að gefa marktækjar upplýsingar um massabreytingar á jarðhitasvæðum Kröfluvirkjunar vegna vinnslunar.

Lagt er til að mælt verði í sömu mælipunktum og áður er lagt til að hæðarmælt sé í og á sem næst sama tíma.

## 5. Viðnámsmælingar

Með við námsmælingum er ætlunin að kortleggja rafleiðandi sprungur inn á jarðhitasvæðinu og reyna að meta hvort þær séu vatnsleiðarar. Þessar upplýsingar geta reynst nytsamlegar við mat á innri eiginleikum svæðisina og gera staðsetningu borhola markvissari. Mjög mikilvægt er að niðurstöður mælinga liggi fyrir áður en borholur verði staðsettar.

I samræmi við umræður á Hrafnaþingi haustið 1984 eru lagðar fram eftirfarandi tillögur að frekari viðnámsmælingum á Kröflusvæðinu eins og sýnt er á meðfylgjandi mynd:

1. Framlengja línu V eftir Dalfjalli til norðurs og bæta við 5 Schlumbergermælingum. Ennfremur að gera viðnámssniðsmælingar á norðurhluta línumannar. Mældir verða 3 km með þremur straumörnum (250, 500 og 750 m) samanber meðfylgjandi kort.
2. Bæta við mælilínu með austur-vestur stefnu, sem nær frá norður-rótum Kröflufjalls og að sunnanverðum Leirhnjúk. Gerðar verði 9 Schlummbergermælingar og viðnámssniðsmælt á 3 km línu með þremur straumörnum (250, 500 og 750 m) samanber meðfylgjandi kort.

---


Úrvinnsla eldri gagna.

All mikið að gögnum varðandi Kröfluvirkjun liggja hjá sérfræðingum Orkustofnunar án þess að unnið hafi verið úr þeim til fullnustu. Mikið hefur verið gefið út án túlkunar og er það fyrst og fremst hugs-að sem gagnageymsla. Með því er reynt að fyrirbyggja að gögn týnist þrátt fyrir mannabreytingar í rannsóknarverkefnum. Hér á eftir er talið upp það, sem ástæða er til að leggja áherslu á:

- a. Uppsetning og samfelld skráning á afslögu hola frá því þær voru boraðar. Gögnin verði set upp á þann hátt, að auðvelt er að bæta inn nýjum upplýsingum. Þeir þættir sem skráðir verða eru: Topp-

$Q_t$        $b_7$       myndir með persu  
þrýstingur, varmainnihald og afköst.

- x b. Sett verði fram á sambærilegan hátt og í fyrsta lið efnafræði-gögn, sem geta gefið upplýsingar um breytt ástand hola þ.e. kólun, afldvínun, útfelligahættu og kvikugös svo eitthvað sé nefnt. Helstu þættir sem skráðir verða eru: Kísill, natrium, kalíum, kalsíum og hlutföllin koltvísýringur/brennisteinsvetni og klór/flúor.
- c. Útekt á fyrirliggjandi gögnum um radon og ísótópagreiningar frá Kröflusvæðinu og leggja þá mat á hvort ástæða sé til að halda þessum athugunum áfram og ef svo er, þá hversu oft.
- x d. Skrásetja samfellt hita- og þrýstimælingar, sem gerðar hafa verið á undaförnum árum í tengslum við venjubundið eftirlit. Ástæða er til að taka hverja holu fyrir sig og hafa gögnin á því formi að auðvelt verði að bæta inn nýjum mælingum.
- x e. Koma út gagnaskýrslum um holur KG-12 og KJ-15. Þar verða teknar saman allar þær upplýsingar sem fengust í tengslum við borun þ.e. jarðlagasnið, skoltapsmælingar, ummyndun, vatnsæðar og þrepadæling í lok borunar. Einnig komi fram gögn um upphitun og upphleypingu.
- f. Úrvinnsla viðnámsmælinga, sem gerðar voru sumarið 1984. Hér er um að ræða tvær línur norðan Hvítóla, sem eru merktar VS-4 og VS-5 á meðfylgjandi korti.

Reykjavík 16. januar 1986  
  
Ásgrímur Guðmundsson  
verkefnisstjóri

Undir líð d. mætti fella að ganga frá þrýstingshæknum gögnum þannig að gögnin verði til á einhverjum ákvæðum stað

ORKUSTOFNUN  
Jarðhitadeild  
1986.02.07

Rannsóknaverkefni í Kröflu 1986  
Fylgiskjal 2 skv. gjaldskrá 1985.11.01  
KOSTNAÐARÁÆTLUN ÁsG/SGS/3

Hafa samband við Knut Ottested

RANNSÓKNARVERKEFNI MED TILVÍSUN TIL MEÐYLGJANDI GREINARGERÐAR:

1. Sýnataka úr gufu augum

|                    |                             |         |         |
|--------------------|-----------------------------|---------|---------|
| Mannskapur:        | 2 menn x 6 dagar x 9.884 kr | =       | 118.608 |
| Sýnatökubíll:      | 5 dagar x 6.000 kr          | =       | 30.000  |
| Efnagreiningar:    | 8 sýni x 6.800 kr           | =       | 54.400  |
| Úrvinnsla á OS:    | 50 tímar x 706 kr           | =       | 35.300  |
| Umsj. og verkstj.: | 30 tímar x 843 kr.          | =       | 25.290  |
|                    |                             | Samtals | 263.598 |
|                    |                             | =====   | =====   |

6. Úrvinnsla úr eldri gögnum

|                    |                         |       |         |
|--------------------|-------------------------|-------|---------|
| Úrvinnsla á OS:    | liður a 250 t x 706 kr. | =     | 176.500 |
| - " - :            | liður b 250 t x 706 kr. | =     | 176.500 |
| - " - :            | liður d 250 t x 706 kr. | =     | 176.500 |
| - " - :            | liður e 200 t x 706 kr. | =     | 141.200 |
| Umsj. og verkstj.: | 80 tímar x 843 kr.      | =     | 67.440  |
|                    |                         | Kr.   | 738.140 |
|                    |                         | ===== | =====   |

Í framangreindum kostnaðaráætlunum er ferðakostnaður ekki meðtalinn að undanskylldum sérhæfðum farartækjum Orkustofnunar.